


www.BibleForChildren.org

Genesis 3




Ay nengagánan tu Adan ka Eva tu
atáwa na. (Ya sarut nayán na
ngágan, ay biyág). Ata aggína ya
bílang ina daya ngámin na toláy oray
ka wàna.




Ay kadayá ngámin na alsádu wa
ulolag ga pinarsuwa ne APU Dios, ay
tu idaw ya kasiríbán na mangasaba.
Ay isa nga algaw, nán na kitu babay,
"Kurug ga nán ne Dios kadakayu nga
akkan kayu mangán kiya búnga daya
kay-káyu kiya kamulán?" nán na.



May nán natu
babay kitu idaw,
"Mabalin mi kanan
kanu daya búnga daya
kay-káyu kiya kamulán ngamay akkan ya
búnga naya káyu nga atán kiya túlad naya
kamulán. Ay akkan mi kanu pe ya
tùbítan. Ay nu mangán
kami onu tùbítan mi,
ay matay kami kanu,"
nán natu babay.



Ay se yala manin
nán natu idaw kitu
babay, "Akkan kayu mà
kurug ga matay a! Nán
ne Dios kiyán áta ammu na nga kiya
angngán nu kiya búnga na, ay árig malútán
daya lam-lammat nu. Ay ammu nu win ya
napiya se iya nadakè, ay
ummán kayu pe yin
kaggína," nán na.



Ay díkod kane masingan nату babay
nga nakal-kalùmímit tu búnga nату
káyu, ay nán na nga napiya kanan. Ay
nammuwán na pe nga makapasírib,
áta malásin na ya napiya se iya
nadakè nu mangán
kitu búnga na.



Ay díkod nangalà kitu búnga
na, ay se na kanan. Ay se na
niddán pe tu atáwa na nga
atán pe yin kitu giyán na. Ay
díkod, nangán pe.



Ay ittu pe yin tu pagkilát da ngala
nga ummán ka nalútán tu mata da
nga duwa. Ay nammuwán da pe yin
na soba da gáyám. Ay díkod, nagásip
da kadatu dadakkal la adon nga ittu
tu pinagken da.





Ay díkod
kirrawán ne Apu Dios tu laláki nga
nán na kaggína, "Wà naya giyán mu?" nán na.
Ay, "Nagsirù à kidde!" nán na. "Ta nagína taka
nga magdàdàdà kiya kamulán, ay mìpat tà
magpassingan kikaw, áta soba ngà," nán tu Adan.





Ay tútu nán ne Apu Dios, "Inna ya magkuna kikaw nga soba ka? Nangán kayu ta, kitu búnga natu káyú wa akkan ku wa pakkán kadakayu?" nán na.



Ay summungbát tu laláki nga nán na, "Ay tu babay ya niddem ma kabul-bulun ku ya nangidde kiyà, ay kinnán ku pe," nán na. Ay se yala nán ne APU Dios kitu babay, "Taanna, tura mu wa kinuwa yán ta?" nán na. "Ay tu idaw mà! Kinasaba nà, ay nangán nà a kurug," nán natu babay.






Ay tútu pinatálaw ne APU Dios
da kitu kamulán ka Eden, se na
pinapan ne Adan na magkuwa kiya
lusà nga ittu ya naggayatán na
kampela ngin nin.






Pinatálaw nada, ay se yala nangippáy
ka isa kadaya kangatuwán na ilángit
kitu pane lattakán natu kamulán.






Ay uwad pe ya nippáy na nga
miwas-wasáwas nga maggilagiláb ba
apuy nga sinan ispáda nga ittu tu
magbantáy kitu káyu wa
mamagbiyág ka áwan panda.




Ay díkod din nagallay de Adan se Eva nga magatáwa.
Nabùsit se nagan-anà e Eva ka isa nga laláki. Ay
nengágan na ka Cain. Ay nán na, "Nagan-anà à ka
laláki gapu kiya nesisseng ne Apu
kiyà," nán na.



Ay se yala nagan-anà manin ka isa nga laláki. Ay
nepangágan na ka Abel. Ay díkod atán na wagi tu Cain
nin. Kane umabay da nga duwa, ay tu Abel tu
maragtarakan kadatu karneru da.
Ay tu Cain tu magtal-tálun.



Ay kane din na mabà-bayág, ay nangidátun tu Cain ke APU kitu ápit na kitu tálun na. Ay ummán pe kitu Abel. Nagparti kadatu nunna nga annánà datu tarakan na nga karneru. Ay piníli na datu kapiyán na lápi, ay ittu datun datu nedátun na ke APU Dios. Ay naganggam me APU Dios kitu nedátun tu Abel.



Ngamay akkan na nga pinagan-anu tu nedátun tu Cain.
Ay tútu nalùsaw pà nang tu Cain. Melalásin nala kitu
singan na.




Ay tu Cain, ay inayabán na tu Abel la wagi na nga
mawe kitu tal-tálun. Ay kane atán da ngin kitu
tal-tálun, ay inámang tu Cain tu
Abel, ay napatay na.




Ay tútu nán ne APU kitu Cain, "Ka wàna giyán ne Abel nga wagi mu?" nán na. Ay nán tu Cain na sumungbát, "Mai! Wayya ngala nga iyà ya magtag-tagasíngan kaggína!" nán na. Ay díkod nagtálaw tu Cain ki àráng ne Apu Dios se yala nagyán ka Nod nga pane lattakán ka Eden.




Ay nagan-anà manin pe de Adan se tu Eva. Nagan-anà da ka laláki, ay nepangágan da ka Set (ay ya sarut nayán, ay nidde). Ata nán tu Eva nga niddán ne Apu Dios manin ka isa nga an-anà a kasukát tu Abel ta pinatay lugud tu Cain.




Nanggayát kitu nekeanà nату Set, ay walu gatut ta dagun pikam tu inagbiyág nату Adan. Uwad da pikam duddúma nga pútut na. Ay díkod, ya dágup nату dagun nату Adan, ay siyám gatut se tallu púlu se la nga natay.




Ay kane umadu win datu tolai kid kalawagán
ni, ay adu tutu wala datu nadakè a
kuk-kuwaan da pe. Ngámin na
lam-lammat da, ay pabeg
nadakè peyapeyang.




Ay kane masingan ne APU Dios idi, ay
nakappoli kitu namarsuwa na ki tolay.
Nagpannakit pà nang tu uray na.



Ay tútu nán ne APU, "Rapúnan ku dedi ya
tolay nga pinarsuwà. Ay oray pe daya
ngámin na ulolag, se daya ngámin na
kumar-káray ki lusà, ay se daya
ngámin na an-anù. Nakappoli yà a
namarsuwa kaggída,"
nán na.



Ngamay pinatag ne APU tu Noa nga pútut tu
Lamec. Tu idi ya gin-ginnápuwán na. Tallu datu
pútut na nga pabeg lalláki: tu Sem,
se tu Ham, se tu Jafet.



Ata gapu kiya abay pà nang nga amminya
ne Dios kadaya ngámin toláy, ay ittu
ya nidde na ya sissa nga An-anà na,
ta senu akkan na mesibna ke
Dios oray iinna nga mangurug
kaggína, nu di mepagbiyág
kaggína ka áwan
panda.

Roma 3:23

áta ngámin toláy ay nakabásul da mà ngámin. Awan oray isa nga annung na nga meráman kiya kinadáyaw ne Dios.

Roma 6:23

Ata ya supápà naya panagbas-básul, ay pannakatay ka áwan panda ngamay ya pagkallà ne Dios, ay ittu ya kepagbiyág tada kaggína ka áwan panda gapu kiya angngurug tada ke Jesu-Cristo wa Apu tada.

Hebreo 9:27

Gángay nga mamissán nala ya katay daya toláy, ay se yala guwesan ne Dios da.



Efeso 2:8,9

Ata gapu kiya agkallà tutu wala ne Dios kadàtada, ay nelísi nitta ngin kiya pakapanísán tada kuma, gapu ta nangurug tada, nga akkan gapu kadaya mà-màwa tada kampela ngin nin, nu di pagkallà kampela ne Dios sin. Ay díkod áwan ya makepasindáyaw kídi, ta akkan gapu kadaya mà-màwa tada kampela ngin nin.

Roma 10:9,10

Ata nu ikagi ta kadaya tol原因 nga e Jesus ya Apu ta, ay se ta kurugan tutu wala nga pinaltu kammin ne Dios, ay alà nitta. Ata ibílang ne Dios ka namáru ya isa nga tol原因 gapu kiya angngurug na kaggína, ay se alà pe ne Dios gapu kiya angngagi na kadaya tol原因 nga e Jesu-Cristo ya Apu na.



Juan 3:16,17

Ata nu ikagi ta kadaya tolai nga e Jesus ya Apu ta, ay se ta kurugan tutu wala nga pinaltu kammin ne Dios, ay alà nitta. Ata ibílang ne Dios ka namáru ya isa nga tolai gapu kiya angngurug na kaggína, ay se alà pe ne Dios gapu kiya angngagi na kadaya tolai nga e Jesu-Cristo ya Apu na.

1 Juan 5:11-13

Ay ittu idi ya kagiyan ne Dios kadátada; nga biyágan nitta ngin ka áwan panda. Ay yán na pakabiyágan ta ka áwan panda, ay atán ki An-anà na. Daya atán nin ya An-anà ne Dios kaggída, ay ittu dayán daya mabiyág ka áwan panda. Ay daya áwan ya An-anà ne Dios kaggída, ay áwan kaggída ya biyág nga áwan panda. Ikagì dedi kídi ya súrát ku kadakayu nga mangurug ke Jesus nga An-anà ne Dios, ta senu ammu nu wa biyágan nakayu nge Dios ka áwan panda.



Genesis 3 - 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Isnag Bible (isd) © Wycliffe Bible Translators, Inc.

<https://www.bible.com/bible/1331/GEN.1.ISDNT>

©2026 Bible for Children, Inc.

www.M1914.org

www.bibleforchildren.org

